



**ÒDONANS DIJANS NIMEWO 9
KONTE PALM BEACH COVID-19
ANILASYON ÒDONANS DIJANS 2020-002a**

KONSIDERAN, COVID-19 la, yon maladi respiratwa yon viris lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

KONSIDERAN, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

KONSIDERAN, nan dat 13 mas 2020, dapre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

KONSIDERAN, nan dat 24 mas 2020 Gouvènè Ron DeSantis, te pibliye Dekrè Egzekitif 20-83 ki mande Chirijyen Jeneral Eta a ak Ofisye Sante Eta a pou pibliye yon avi sante piblik pou mande moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitistasyon iminodeprime, ki gen ladan sila yo ki nan tretman kansè; ak obezite grav; epi

KONSIDERAN, Administratè Konte a, dapre otorite yo ki site anba a, te pibliye plizyè Òdonans Dijans ki gen ladan Òdonans Dijans 2020-002a ki fèmen tout biznis vant an detay ak komèsyal ki pa esansyèl epi pèmèt kèk biznis esansyèl ki mansyone pou rete ouvri, anviè 30 mas 2020; epi

KONSIDERAN, Gouvènè Ron Desantis te pibliye Dekrè Egzekitif 20-112, yon Faz 1: Plan Entèlijan, San Danje, Etap pa Etap pou Retablisman Florid la, anviè nan dat 4 me 2020, kote Gouvènè a te re-ouvri kèk biznis, epi Dekrè Egzekitif 20-120 ki, pami lòt yo, te sèvi pou ajoute Konte Palm Beach nan kad Faz 1; epi

KONSIDERAN, nan dat 15 me 2020, Manm Komisyon Konte a te vote pou retire restriksyon lokatè nesèsè a sou rezèvasyon nan otèl, motèl ak lòt etablisman lojman komèsyal ki nan Òdonans Dijans 2020-002a; epi

KONSIDERAN, Dekrè Egzekitif 20-123 Gouvènè a, anvigè nan dat 18 me 2020, te pwolonje ak modifye Dekrè Egzekitif 20-112 la (jan Dekrè Egzekitif 20-120 an te modifye li) konsènan Plan Entèlijan, San Danje Etap pa Etap pou retablisman Florid la, ki mete tout konte Florid yo nan tout Faz 1 plan retablisman Eta a; epi

KONSIDERAN, yo te detèmine ke Dekrè Egzekitif Gouvènè a ki gen ladan, men pa limite ak, Dekrè Egzekitif 20-91 ak lòt dekrè annapre ki gen rapò ak Faz 1 an, ki gen ladan tout biznis vant an detay ak komèsyal ki idantifye nan Òdonans Dijans 2020-002a Konte a; epi

KONSIDERAN, sou baz enklizyon Konte Palm Beach nan Plan Retablisman Faz 1 Eta a, ak egzistans plizyè Òdonans Egzekitif Eta Florid yo ki anglobe lokal ak kalite biznis yo ki idantifye nan Òdonans Dijans Nimewo 2020-002a, yo te detèmine ke Òdonans Dijans 2020-002a pa nesèsè ankò.

KOUNYE A, PA KONSEKAN, NOU ÒDONE ISIT LA dapre Chapit 9 Kòd Konte Palm Beach, Atik II, Seksyon 9-35, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo, Konsèy Manm Komisyon Konte a ak Plan Jesyon Dijans Global Konte Palm Beach lan, epi jan lalwa mande sa, mwen òdone konsa:

1. Konsideran ki anvan yo enkòpore isit la kòm referans.
2. Òdonans sa a aplike nan tout zòn ki entegre ak ki pa entegre nan Konte Palm Beach.
3. **Òdonans Dijans 2020-002a Konte Palm Beach la anile.**
4. Nenpòt dispozisyon nan Òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de Òdonans sa a avèk rès Òdonans lan ki rete entak ak anvigè. Nan mezi aplikasyon kèk oswa tout dispozisyon Òdonans sa a entèdi sou teritwa souvren yon tribi souvren oswa Endyen ke gouvènman federal la oswa eta a rekonèt, aplikasyon sa a ap eskli klèman nan Òdonans sa a. Dispozisyon Òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontrè oswa ki gen konfli avèk Òdonans sa a.

5. Òdonans sa a dwe antre anvigè nan 12:00 p.m. nan dat 22 me 2020.

KONTE PALM BEACH

Pa: _____ [Siyati] _____
Administratè Konte

**APWOUVE SELON
SIFIZANS LEGAL**

Pa : _____ [Siyati] _____
Pwokirè Konte

Dat : 22 me 2020

**ATESTE
GREFYE AK KONTWOLÈ**

Pa : _____ [Siyati] _____
Grefye Adjwen